

KOMISIJA ZA TUMAČENJE KOLEKTIVNOG UGOVORA ZA DJELATNOSTI PREDŠKOLSKOG ODGOJA I OSNOVNOG ODGOJA I OBRAZOVANJA U KANTONU SARAJEVO

Na osnovu člana 172. Kolektivnog ugovora za djelatnosti predškolskog odgoja i osnovnog /odgoja i obrazovanja ("Službene novine Kantona Sarajevo", broj: 24/22, 40/22, 7/24, 29/24, 39/24 i 17/25 – u daljem tekstu: Kolektivni ugovor), Komisija za tumačenje Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo na 50. sjednici održanoj 06.01.2026. godine, donijela je

Autentično tumačenje člana 77. stav (1) tačka b) Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo („Službene novine Kantona Sarajevo“, broj: 24/22, 40/22, 7/24, 29/24, 39/24 i 17/25)

„Član 77.

Pod članom uže porodice iz čl. 75. i 76. ovog Kolektivnog ugovora, podrazumijevaju se sljedeći članovi porodice radnika:

- b) djeca rođena u braku, van braka, zakonito usvojena ili pastorčad do 18, odnosno do 26 godina starosti, ako se nalaze na redovnom školovanju i nisu u radnom odnosu, a djeca nesposobna za rad, bez obzira na starosnu dob, ako žive u zajedničkom domaćinstvu;“*

Dio citirane odredbe člana 77. stav (1) tačka b) Kolektivnog ugovora „djeca nesposobna za rad“ se odnosi na članove porodice radnika – djecu čiji je radnik staratelj, koja sa njim žive u zajedničkom domaćinstvu i koja radno nisu sposobna, bez obzira kada im je oduzeta radna nesposobnost.

Odluka o autentičnom tumačenju člana 77. stav (1) tačka b) Kolektivnog ugovora je donesena na 50. sjednici Komisije održanoj 06.01.2026. godine jednoglasno konsenzusom.

ČLANOVI KOMISIJE

Abid Fejzić, predstavnik Poslodavca

Saudin Sivro, predstavnik Sindikata

Senad Sladić, predstavnik Poslodavca

Envera Šukman, predstavnik Sindikata

**KOMISIJA ZA TUMAČENJE KOLEKTIVNOG UGOVORA ZA DJELATNOSTI
PREDŠKOLSKOG ODGOJA I OSNOVNOG ODGOJA I OBRAZOVANJA U
KANTONU SARAJEVO**

MINISTARSTVO ZA ODGOJ I OBRAZOVANJE KANTONA SARAJEVO
n/r ministrice

**SAMOSTALNI SINDIKAT OSNOVNOG OBRAZOVANJA I ODGOJA FBIH -
KANTONALNI ODBOR KANTONA SARAJEVO**
n/r predsjednika

PREDMET: Dostava tumačenja po zahtjevu

Komisiji za tumačenje Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo („Službene novine Kantona Sarajevo“, broj: 24/22, 40/22, 7/24, 29/24, 39/24 i 17/25 - u daljem tekstu: Kolektivni ugovor) obratio se Sindikat, kao ugovorna strana Kolektivnog ugovora, a vezano za zahtjev Javne ustanove „Djeca Sarajeva“ Sarajevo, broj: 02-01-1160/25 od 29.12.2025. godine za tumačenje člana 77. stav (1) tačka b) u dijelu utvrđivanja prava radnika na naknadu za slučaj teške invalidnosti ili teške bolesti člana uže porodice (dijete nesposobno za rad).

U vezi s navedenim, obavještavamo Vas da je Komisija na 50. sjednici održanoj 06.01.2026. godine, donijela autentično tumačenje člana 77. stav (1) tačka b) Kolektivnog ugovora koje Vam dostavljamo u prilogu ovog akta radi dostavljanja istog podnosiocu zahtjeva za tumačenje.

Podsjećamo da je članom 172. Kolektivnog ugovora propisano da tumačenja Komisije imaju pravnu snagu i učinak ovog Kolektivnog ugovora te da je obaveza Ministarstva za odgoj i obrazovanje Kantona Sarajevo da tumačenje objavi na službenoj internet stranici Ministarstva, a obaveza Sindikata je da tumačenje objavi na službenoj internet stranici Sindikata.

S poštovanjem,

**Komisija za tumačenje Kolektivnog ugovora za
djelatnosti predškolskog odgoja i osnovnog
odgoja i obrazovanja u Kantonu Sarajevo, s.r.**